

संगठन HRDS –India आसेया आयोजित “वीर सावरकर इंटरनैशनल इम्पैक्ट अवार्ड” समारोह दौरान बोलदे होई आक्खी। अपने सम्बोधनै च एल.जी होरें अग्गे आखेया जे HRDS –India दे गैर-कन्नूनी जतन ते पैहलकदमियां सराहनेजोग न कीजे इंदे राएं दुनिया गी एह चेता नोआया जा करदा ऐ जे किस चाल्ली वीर सावरकर होरें भारत माता दी आज़ादी लेई अपना सब-किश कुर्बान करी दिता- अंग्रेजें दे जुल्में ज्यादतियें कोला डरे नेंई ते इस धरती पर रौहने आहले इक-इक माहनू दी सलामती ते खुशहाली लेई अपना सबकिश कुर्बान करी दिता।

<><><><><><>

Housing Board Meeting

जम्मू-कश्मीर हाउसिंग बोर्ड नै साम्बा जिले दी बड़ी-ब्राहमणा तहसील हेठ पोंदे बीरपुर इलाके च इक बडडी रिहायशी कलोनी विकसित करने ते जम्मू दे भलवाल इलाके च 41 कनाल 5 मरले जिमी पर रिहायशी सुविधा उपलब्ध कराने दा प्रस्ताव रखेया ऐ। इस योजना दा प्रस्ताव कल मुखमंत्री उमर अब्दुल्ला हुंदी अध्यक्षता च लग्गी दी हाउसिंग बोर्ड दी 52मीं बैठक च रखेया गया। बैठक दौरान बोर्ड राएं- जम्मू-कश्मीर बा-आबादकारी सहायता स्कीम गी लागू करने बारे बी सलाह-सूतर कीता गया- जेहदे च अदालती मामलें ते हाई-कोर्ट च अर्जियां दाखल करने च कुसै सलाहकार दियां सेवां लैना बी शामिल ऐ।

<><><><><><>

Dar -SREP

राई-बाई दी पैदावार सरबंधी मैहकमे दे मंत्री जावेद अहमद डार होरें राई दे पूरे-पराते विकास सरबंधी कार्यक्रम HADP तैहत राई-बाई दे कम्मै कन्नै जुड़े दे तौर-तरीकें बारे विद्यार्थियें गी जानकारी बनाने लेई इक प्रोग्राम दी शुरुआत कीती। एहदा मकसद जम्मू-कश्मीर च राई-बाई गी

बढ़ावा देने लेई नमियें काइडें- तौर-तरीकें ते नजिरएं गी बढ़ावा देना ऐ। इस बारे इक कार्यक्रम SKUAST -कश्मीर शालीमार कैम्पस दे कन्वेंशन सैन्टर च आयोजित होआ। इसदे च विद्यार्थी-शोधकर्ता- शैक्षणिक अमला ते साईसदान ते होर दुए सरबन्धी माहिर मौजूद हे। इस दौरान मुख करी ध्यान ग्रामीण विकास ते होर बी तकनालोजी अधारित जत्नें पर दिता गया। अपने उदघाटनी सम्बोधन च मंत्री होरें विद्यार्थियें गी ग्रामीण तौर-तरीकें बारे जमीनी सतह पर जाइयै जानकारी उपलब्ध करोआने दी जरूरता गी उजागर कीता। उनें आखेया जे कलास च कीती गेदी पढ़ाई होर बी मती असरदार होई जंदी ऐ जेकर तुस ओदा फील्ड च जाइयै अध्ययन करदे होई सिद्धा ग्रामीण इलाकें दी अबादी कन्नै गल्ल करदे ओ- करसानें कन्नै मिलदे ओ ते नमियां काहड्डां कड्डने आहले मुकामी लोकें कन्नै मिलदे ओ।

<><><><><><>

IndiGo Disruptions

हाल च इंडीगो दियें ब्हाई डोआरियें दे रद्दे होने कारण जम्मू ब्हाई अड्डे पर ज्हाजें दे औने-जाने दा सिलसिला लगभग स्थिर रेहा ते उत्थे ब्हाई सेवा पर बड़ा माड़ा असर दिक्खने गी नैई लब्बा। जम्मू ब्हाई अड्डे दे निदेशक देवेन्दर यादव होरें आखेया जे इस दौरान जम्मू ब्हाई अड्डे पर कुसै यात्री दे बमार होने ते कुसै दा समेयान गोआची जां रेही जाने दा बी कोई मामला सामने नैई आया ते नां गै सुरक्षा सरबन्धी कोई मुद्दा इत्थे खड़ा होआ ते सारा कम्म लगभग बवस्था आहले ढंगै सिर गै चलदा रेहा। उनें दस्सेया जे 3 दिसम्बर गी जम्मू च इंडीगो दी इक डोआरी रद्द होई- जेहदे बाद 4 तरीक गी 4 डोआरियां रद्द होइयां ते 6 चिरे चलियां ते सब्बनें शा मता असर 5 दिसम्बर गी होआ- जिसलै इंडीगो दियां सब्बै 11 दियां 11 डोआरियां रद्द करी दितियां गेइयां। ब्हाई अड्डे दे निदेशक होरें दस्सेया जे 6 दिसम्बर गी ज्हाजें दा औना-

जाना परतियै ब्हाल होई गया- अजें कि 6-7 ते 8 तरीक गी त्रै-त्रै- 9 दिसम्बर गी 2 ते 10 दिसम्बर गी बी इक डोआरी रद्द होई।

<><><><><><>

CS- CSCs

मुख सचिव अटल डुल्लु होरें कल इक उच्ची सतह दी बैठक च Information Technology मैहकमे दे Common Service Centres दे कम्मकाज दा जायजा लैता। उनें नागरिकें गी उपलब्ध करोआई जा रदी बक्ख-बक्ख चाली दी सेवाएं ते इनें सेवाएं दी पुज्ज गी बदाने लेई खाका तयार करने लेई गलाया। CSC दे कम्मकाज दा जायजा लैन्दे होई मुख सचिव होरें पंचैत स्तह तगर इंदी पुज्ज पर जोर पाया। उनें मैहकमें गी हिदायत कीती जे ओह CSS सेवा हर पंचैत तगर पजाने लेई पूरे पराती योजना तयार करन- तां जे इनें सुविधायें दा लाह हर व्यक्ति गी हासिल होई सकै। उनें डिजिटल ते ऑनलाईन सेवाएं राएं बदलाव आनने दी समर्थ गी बी उजागर कीता।

<><><><><><>

SC- Animal Welfare

जिला प्रशासन साम्बा ते कठुआ आसेया पशु कल्याण बवस्था गी निगगर बनाने लेई पैहलकदमियां रम्भियां न- तां जे जानवरें दी सुरक्षा बारे सुप्रीम कोर्ट आसेया जारी दिशा-निर्देश दी सख्ती नै पालमा ते अमलावरी जकीनी बनाई जाई सकै। इस सरबंधी च कठुआ जिला प्रशासन नै जानवरें पर अत्याचार दी रोकथाम सरबंधी कमेटी SPCA दा नमें सिरेया गठन कीता ऐ- जेहदे च डिप्टी कमीशनर एहदे चेयरमैन होगन ते मुख पशुपालन अधिकारी मिम्बर सैक्टरी। तोंआई साम्बा च जिला विकास कमीशनर आयूषी सूदन हुंदी अध्यक्षता लग्गी दी

SPCA दी बैठकें च सब्बनें सरबंधित मैहकमें गी मौके पर गै निर्देशों दी सख्ती नै पालमा करने दे निर्देश दिते गे।

<><><><><><>

Fire Safety

जम्मू जिला प्रशासन नै जिले च सब्बनें कारोबारी इदारें च इमारतें दे मंजूरशुदा नक्शों ते अग्गू कोला बचाव ते सुरक्षा इंतजामें दी व्यापक समीक्षा करने लेई इक कमेटी दा गठन कीता ऐ। जिला मैजिस्ट्रेट डाक्टर राकेश मिन्हास हुंदे आसेया जारी इक हुकम मुजब कमेटी दे अध्यक्ष अतिरिक्त जिला मैजिस्ट्रेट जम्मू विधुशेखर होगन। कमेटी दा कम्म उनें सब्बनें कारोबारी इदारें च जाइयै निरीक्षण करना होग जित्थे बौहने दी छमता 20 कोला उप्पर ऐ जिंदे च बार-रैस्तरां-होटल ते थियेटर दे इलावा होर ऐसियां थाहरां बी शामिल न- जित्थे इक बेल्ले च 20 जां एहदे शा मते लोकें दे बौहने दी छमता ऐ। इस जांच दा मकसद इयै ऐ जे सरबंधित इमारत सुरक्षत ऐ। जिला मैजिस्ट्रेट गी इस बारे रिपोर्ट 10 दिनें दे अंदर-अंदर जमा करोआनी होग।

<><><><><><>

DC Jammu

जम्मू दे डिप्टी कमीशनर डाक्टर राकेश मिन्हास होरें खौड़ च लोकें तगर पुज्ज बनाने लेई इक शिविर लाया। इसदे च बजार एसोसिएशन दे नुमायंदे- पंचैती राज इदारें दे साबका नुमायंदें ते केई सारे होरनें लोकें बी अपनियां मंगा ते मंगे दा ज्ञापन जिला प्रशासन गी सौंपेया। डाक्टर मिन्हास होरें सब्बनें दियें मंगें ते समस्याएं गी ध्यानै नै सुनेया ते जायज मंगें दा समें-सिर हल करने दा भरोसा दोआया। उनें दोहराया जे जिला प्रशासन लोकें ते खास करी बन्ने आहले इलाकें च रौहने आहले लोकें दे कल्याण ते उनेंगी सेवा उपलब्ध करोआने लेई वचनबद्ध ऐ।